

Broj: 01-04-13-01386/2024

Datum: 14.03.2024.godine

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
PREDSTAVNIČKI DOM

Primljeno:		18-03-2024	
Org. jed.	Broj	Priloga	Vrijednost
05/1	-02-	71	124

Predsjedavajuća Mirjana Marinković-Lepić

Veza vaš akt br. 05/1-02-71/24 od 27.02.2024.godine

n/p zastupnica Alma Kratina

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BiH  
GENERALNI SEKRETARIJAT VLADE

n/p- generalna sekretarka mr.sci. Edita Kalajdžić  
veza vaš akt br. 03-04-453/24 od 05.03.2024.godine

PREDMET: Odgovor na zastupničko pitanje, *dostavlja se*

Federalna uprava za inspekcijske poslove zaprimila je dana 06.03.2024.godine akte gornji broj/evi koji je zastupničko pitanje koje je postavila zastupnica Alma Kratina na sjednici Predstavničkog doma Parlamenta Federacije Bosne i Hercegovine.

Uvažena zastupnica se obratila sa pitanjem na nekoliko organa i zatražila da se izvrši vanredan nadzor i inspekcijska kontrola rada gerontoloških centara i staračkih domova u Federaciji BiH u svjetlu ispunjavanja obaveznih standarda kao preduslova za adekvatnu njegu i zdravstvenu zaštitu za korisnike i da se nalaz izvršenog nadzora od strane resornih ministarstava i Federalne uprave za inspekcijske poslove dostavi u Parlament Federacije BiH u roku od 60 dana. U obrazloženju svoje inicijative, navela je da se građani sve češće obraćaju vezano za uočene manjkavosti i nedostatak adekvatne brige i njege za članove porodice smještene u staračke domove ( privatne i javne ustanove) usprkos značajnim mjesečnim izdvajanjem za usluge brige i smještaja.

Zastupnica je također ukazala da je nedavno javno, medijski obznanjeno stanje u Gerontološkom centru Sarajevo od strane sindikata radnika, koji su zahtijevali hitnu reakciju odnosno poboljšanje uslova za adekvatnu njegu i zdravstvenu zaštitu korisnika, što je zapravo alarm za hitnu kontrolu svih ustanova u Federaciji koje pružaju ove usluge.

Što se tiče ovog pitanja, imajući u vidu zahtjev zastupnice, da se putem inspeksijskog organa izvrši nadzor u ustanovama socijalne zaštite ( gerontološkim centrima i staračkim domovima), informišemo zastupnicu da su federalni inspektori Federalnog zdravstvenog inspektorata ( zdravstveni i farmaceutski), u toku 2023.godine i početkom 2024.godine obavljali nadzore u okvirima svoje zakonom utvrđene nadležnosti.

Naime, shodno članu 78. tačka 2 ( bi c), Zakonu o ustanovama socijalne zaštite Federacije BiH („Službene novine Federacije BiH“ broj:64/22), **federalni zdravstveni inspektor i federalni farmaceutski inspektori** vrše nadzore nad zakonitošću rada **federalnih ustanova socijalne zaštite u djelu pružanja zdravstvene njege i organizovanja zdravstvene zaštite** (federalni zdravstveni inspektori), a federalni farmaceutski inspektori u **djelu organizovanja apotekarske djelatnosti**.

Shodno članu 4. Zakona o ustanovama socijalne zaštite Federacije BiH („Službene novine Federacije BiH br. 64/22) Federalne ustanove socijalne zaštite su:

- a) "Ustanova za socijalno zbrinjavanje i zdravstvenu njegu - Bakovići";
- b) "Ustanova za socijalno zbrinjavanje i zdravstvenu njegu - Drin";
- c) "Ustanova za socijalno zbrinjavanje i zdravstvenu njegu - Ljubuški";
- d) "Ustanova za socijalno zbrinjavanje, zdravstvenu njegu, odgoj i obrazovanje - Pazarić" i
- e) "Ustanova za socijalno zbrinjavanje, odgoj i obrazovanje - Sarajevo".

Federalne **ustanove socijalne zaštite**, su **pravni sljednici zavoda, čija je prava i obaveza osnivača preuzeo Parlament** Federacije BiH Zakonom o preuzimanju prava i obaveza osnivača nad ustanovama socijalne zaštite u Federaciji BiH ("Službene novine Federacije BiH", br. 31/08 i 27/12) i to:

- a) Federalna ustanova socijalne zaštite iz tačke a) stava (1) ovoga člana pravni je sljednik "Zavoda za zbrinjavanje mentalno invalidnih osoba - Bakovići";
- b) Federalna ustanova socijalne zaštite iz tačke b) stava (1) ovoga člana pravni je sljednik "Zavoda za zbrinjavanje mentalno invalidnih lica - Drin";
- c) Federalna ustanova socijalne zaštite iz tačke c) stava (1) ovoga člana pravni je sljednik "Ustanove iz djelokruga socijalne zaštite - Ljubuški";
- d) Federalna ustanova socijalne zaštite iz tačke d) stava (1) ovoga člana pravni je sljednik "Zavoda za zbrinjavanje mentalno invalidne djece i omladine - Pazarić" i

e) Federalna ustanova socijalne zaštite iz tačke e) stava (1) ovoga člana pravni je sljednik "Zavoda za odgoj muške djece i omladine - Sarajevo".

Imajući u vidu naprijed navedeno, federalni zdravstveni i farmaceutski inspektori su u toku 2023. godine i u martu 2024. godine izvršili inspekcijske nadzore kako slijedi:

1. Ustanova za socijalno zbrinjavanje i zdravstvenu njegu - Ljubuški"; dana 17.08.2023. godine ( federalni zdravstveni inspektori ).
2. Ustanova za socijalno zbrinjavanje, zdravstvenu njegu, odgoj i obrazovanje - Pazarić" dana 21.06.2023 godine ( federalni zdravstveni i farmaceutski inspektori). Federalni farmaceutski inspektor donio je Rješenje kojim se nalaže odgovornom i pravnom licu da odkloni nedostatke koje su konstatovani u toku nadzora. Naložene mjere su otklonjene.
3. "Ustanova za socijalno zbrinjavanje i zdravstvenu njegu - Drin"; dana 24.08.2023 godine ( federalni zdravstveni inspektori ).
4. "Ustanova za socijalno zbrinjavanje i zdravstvenu njegu - Bakovići"; dana 24.08.2023 godine ( federalni zdravstveni inspektori ).
5. "Ustanova za socijalno zbrinjavanje, odgoj i obrazovanje - Sarajevo" dana 06.03.2024 godine. U momentu nadzora nije predočeno Uvjerenje o položenom stručnom ispitu uposlene medicinske sestre. Postupajući federalni zdravstveni Inspektor naložio da mu se isto dostavi u roku od tri dana, što je odgovorna osoba subjekta nadzora i učinila.

U momentu nadzora naprijed navedenih ustanova, inspektorima su predočena Rješenja o izmjenama podataka iz Sudskih registara nadležnih sudova o registraciji subjekata upisa, dok rješenja o ispunjavanju uslova za obavljanje djelatnosti nisu predočena, obzirom da je članom 21. Zakona o ustanovama socijalne zaštite Federacije BiH („Službene novine Federacije BiH br. 64/22), navedeno da će postupak utvrđivanja ispunjenosti i način utvrđivanja ispunjenosti uslova za obavljanje djelatnosti propisati federalni ministar rada i socijalne politike, uz prethodno pribavljenu saglasnost federalnog ministra zdravstva, federalnog ministra obrazovanja i nauke i federalnog ministra pravde.

Istim Zakonom, utvrđeni su i rokovi za donošenje podzakonskih akata. (članom 89. kojim je utvrđeno da će Federalni ministar rada i socijalne politike u roku od šest mjeseci od dana stupanja na snagu ovoga zakona donijeti propis, kojim će utvrditi minimalne standarde, odnosno opšte i posebne uslove koje moraju ispunjavati federalne ustanove socijalne zaštite u pogledu prostora, opreme i kadra **zapružanje usluge socijalnog zbrinjavanja i socijalne podrške**.

Također, Federalni ministar zdravstva, kako je to utvrđeno Zakonom će u roku od šest mjeseci od dana stupanja na snagu ovoga zakona donijeti propis, kojim će utvrditi minimalne standarde, odnosno opšte i posebne uslove koje moraju ispunjavati federalne ustanove socijalne zaštite u **pogledu prostora, opreme i kadra za pružanje usluge zdravstvene njege, kao i za pružanje usluge dijagnostičko-opservacijskog tretmana**.

I konačno, Federalni ministar pravde će, u roku od šest mjeseci od dana stupanja na snagu ovoga zakona donijeti propis kojim će utvrditi minimalne standarde, odnosno opšte i posebne uslove koje moraju ispunjavati federalne ustanove socijalne **zaštite u pogledu prostora, opreme i kadra** za provođenje zavodske mjere upućivanja u odgojnu ustanovu.

Utvrđena podzakonska akta nisu još donešena, iako je zakon stupio na snagu 20. avgusta 2022. godine.

Također, smatramo da je važno da uvaženu zastupnicu Kratina informišemo, da što se tiče inspektora u oblasti socijalne zaštite, da je od strane Federalnog ministarstva rada i socijalne politike pokrenuta inicijativa da se izvrše izmjene i dopune Zakona o inspekcijama Federacije BiH i istim utvrde federalne inspekcije dječje i socijalne zaštite u sastavu Federalnog inspektorata rada.

U vezi s predmetnom inicijativom, Vlada Federacije BiH je dana 21.09.2023. godine donijela Zaključak V.broj:1293/2023 kojim je zadužila Federalno ministarstvo pravde da formira Interresornu radnu grupu sačinjenu od predstavnika Federalnog ministarstva pravde, Federalnog ministarstva rada i socijalne politike i Federalne uprave za inspeksijske poslove, sa zadatkom da u roku od 30 dana sačini Nacrt zakona o izmjeni i dopuni Zakona o inspekcijama FBiH.

Na temelju predmetnog Zaključka Vlade Federacije BiH, aktom br. 01-45-3938/23 od 22.11.2023. godine, Ministar Federalnog ministarstva pravde je Rješenjem imenovao Interresornu radnu grupu za izradu Nacrta Zakona o izmjeni i dopuni Zakona o inspekcijama FBiH, koja je u zadatom roku sačinila tekst Nacrta zakona.

Istim je predloženo da u sastav Federalnog inspektorata rada uđe i inspekcija za socijalnu i dječju zaštitu i porodično-pravnu zaštitu, a procedura usvajanja ovih izmjena je u toku.

S poštovanjem,

Dostavljeno:

- 1x Predsjedavajuća-Mirjana Marinković-Lepić
- 1 x zastupnica Alma Kratina
- 1 x Generalna sekretarka Vlade FBiH- mr. sci. Edita Kalajdžić
- 1 x a/a



**DIREKTOR**

**Mr. Anis Ajdinović**